

T H E C H A R T E R

XV. VOLUMUS etiam ac per Præsentes pro NOBIS Hæredibus et Successoribus nostris præfato modo Baroni de *BALTIMORE* Hæredibus et Assignatis suis omnibusque prædictæ PROVINCIÆ Incolis et Inhabitantibus quibuscunque præsentibus et futuris per hanc CHARTAM nostram Licentiam damus et concedimus ut Merces quascunque et Mercimonia ex dictæ PROVINCIÆ Fructibus et Commoditatibus terrestribus vel maritimis redigenda per se vel per Servos Factores aut Assignatos suos in quoscunque Portus nostros Hæredum et Successorum nostrorum *Angliæ* aut *Hiberniæ* liberè inferre et exonerare aut aliter de eisdem ibidem disponere Et si Opus fuerit easdem Merces infra unum Annum ab Exoneratione earum continuò numerandum rursus in Naves easdem vel alias onerare et in quascunque voluerint Regiones sive nostras sive extraneas de Amicitia nostrâ Hæredum et Successorum nostrorum deportare valeant PROVISIO semper quod tales et talia Custumas et Impositiones Subsidia et Telonia NOBIS Hæredibus et Successoribus nostris inde solvere teneantur quales et qualia reliqui Subditi nostri Regni nostri *Angliæ* pro Tempore existentes solvere tenebuntur ultra quas et quæ præfatæ PROVINCIÆ dictæ Terræ *TERRA MARIÆ* nuncupatæ Incolas gravari nolumus.

XVI. ET ULTERIUS de ampliori Gratiâ nostrâ speciali ac ex certâ Scientiâ et mero Motu nostris pro NOBIS Hæredibus et Successoribus nostris Concedimus præfato modò Baroni de *BALTIMORE* Hæredibus et Assignatis suis plenam et absolutam Potestatem et Authoritatem faciendi et erigendi et constituendi infra PROVINCIAM de *TERRA MARIÆ* ac Insulas et Insululas prædictas tot et tales Portus maritimos Navium Stationes Crecas et alia Loca Exonerationis et Depositionis Bonorum et Mercimoniorum è Navibus Cymbis ac aliis Vasibus ac Onerationis in eâdem et in tot et talibus Locis et cum talibus Juribus Jurisdictionibus Libertatibus et Privilegiis ad hujusmodi Portus spectantibus prout ei vel eis melius videbitur expedire Quodque omnes et singulæ Naves Cymbæ et alia Vasa quæcunque Causâ merchandizandi ad PROVINCIAM et ex Provinciâ prædictâ venientia et exeuntia ad hujusmodi Portus per dictum modo Baronem de *BALTIMORE* Hæredes et Assignatos suos sic erigendos et constituendos solummodo onerentur et exonerentur Aliquo Usu Consuetudine aut aliquâ aliâ Re in contrarium non obstante Salvâ semper NOBIS Hæredibus et Successoribus nostris et omnibus Subditis Regni nostri *Angliæ* et *Hiberniæ* Hæredum et Successorum nostrorum Libertate piscandi Piscem marinum tam in Mari Æstuariis et Fretis et Fluminibus Navigio idoneis quam in Portibus Æstuariis et Crecis PROVINCIÆ ante dictæ ac Privilegio salendi et exsiccandi vel arefaciendi Pisces in Littoribus ejusdem PROVINCIÆ Et eâ de Causâ Buscam et Vimina ibidem crescentia succidere et capere; et Casas et Tuguriola in hâc Parte necessaria extruere prout rationabiliter hætenus usi fuerunt aut potuerunt Quibus quidem Libertatibus et Privilegiis dicti Subditi nostri Hæredum et Successorum nostrorum gaudebunt absque notabili Damno vel Injuriâ præfato modò Baroni de *BALTIMORE* Hæredibus vel Assignatis suis aut ejusdem PROVINCIÆ Incolis et Inhabitantibus in Portibus Crecis aut Littoribus prædictis et præsertim in Boscis et Sylvis ibidem crescentibus aliquo modo fienda Et si quis hujusmodi Damnum fecerit aut Injuriam gravis Indignationis nostræ Hæredum et Successorum nostrorum debitæque Legum Castigationis Periculum Pœnamque præter Emendationem subeat.

XVII. VOLUMUS insuper statuimus et ordinamus ac per Præsentes pro NOBIS Hæredibus et Successoribus nostris concedimus præfato modò Baroni de *BALTIMORE* Hæredibus et Assignatis suis Quod idem Baro de *BALTIMORE* Hæredes et Assignati sui de Tempore in Tempus imperpetuum habeant et gaudeant Telonia et Subsidia in Portibus Navium Stationibus et